

Інформація про воліча

Воліч повинний по приході до волебной містности превказати раённій волебній комісії свою тотожность обчаньсков легітімацієв. Кедь была волічови на ёго жадость выдана легітімація на голосованя, предложить ведно з обчаньсков легітімацієв легітімацію на голосованя, котру му раённа волебна комісія одобере і припоіть ей к списку волічів.

Потім раённа волебна комісія закрузкує порядкове чісло воліча в списку волічів і **выдасть волічови листы на голосованя і порожню копертку з уряднов печатков села/міста. Перевзятя листка на голосованя і коперткы воліч потвердить у списку волічів властноручным підписом.**

Каждый воліч повинний перед голосованём одобрати ся до выділеной части містности, в котрій може управити листы на голосованя. Волічови, котрый не вступить до того простору, раённа волебна комісія не доволить голосовати.

У выділеній части містности, в котрій мож управити листы на голосованя, воліч на листку на голосованя **закрузкує одповідь „гей“ або „ні“ особітні на каждый вопрос.** Покры не є листок на голосованя управлений встановленным способом, є неплатный. Наслідно управлений листок на голосованя вложить воліч до коперткы і потім до волебной урны.

На пожаданя воліча му раённа волебна комісія выдасть за некоректно управлений листок на голосованя другой. Некоректно управлений листок на голосованя воліч вложить до ладічкы на одложіня несхоснованых або некоректно управленых листів на голосованя. Кедь так не зробить, допустить ся переступліня, за котре буде покутований сумов 33 евра.

Воліч, котрый сам не може управити лист на голосованя із здравотных прічін або зато, же не може читати або писати, а **перед голосованём поінформує о тім факті раённу волебну комісію**, має право взяти із собов до выділеной части містности, в котрій мож управити листы на голосованя, іншу способну особу, жебы подля ёго інштрукцій і закона управила лист на голосованя і вложила го до коперткы; таков особов не може быти член раённой волебной комісії. Обидві особы перед вступом до выділеной части містности, в котрій мож управити листы на голосованя, член раённой волебной комісії поучить о способі голосованя і о крiмiналнiм skutку в припадi нарушования приправы і реалізації референда і о крiмiналнiм skutку волебной корупції.

Воліч, котрый не може із здравотных прічін сам вложити копертку до волебной урны, може пожадати, жебы копертку до волебной урны за ёго участи вложила інша особа, але не член раённой волебной комісії.

Воліч, котрый не може прийти до волебной містности із важных, главно здравотных прічін, має право пожадати село/місто а в день реалізації референда раённу волебну комісію одголосовати до переносной волебной урны, а то лем на теріторії волебного раёну, про котрый была раённа волебна комісія створена.